



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

26 դեկտեմբերի 2012 թվականի №547Ա  
քաղ. Երևան

**«ՀԱՅՈՒՌՆԱԳԱԶԱՐԴ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ  
2013-2015 ԹՎԱԿԱՆՆԵՐԻ ՆԵՐՂՐՈՒՄԱՅԻՆ ԾՐԱԳՐԻՆ  
ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 17-րդ հոդվածի 1-ին մասի ժդ) կետը և 28-րդ հոդվածի 1-ին կետի ը) ենթակետը՝ Հայաստանի Հանրապետության հանրային ծառայությունները կարգավորող հանձնաժողովը որոշում է.

1. Համաձայնություն տալ «ՀայՌուսգազարդ» փակ բաժնետիրական ընկերության 2013-2015 թվականների ներդրումային ծրագրին՝ 33 980,7 մլն դրամ ծավալով՝ առանց ավելացված արժեքի հարկի, հետևյալ հիմնական ուղղություններով.
  - 1) գազափոխադրման համակարգի Աբովյանի գազի ստորգետնյա պահեստարան-կայանի վերակառուցում և ընդլայնում. 2013-2015 թվականների ընթացքում՝ 12 651,8 մլն դրամ, որից 2013 թվականին՝ 426,3 մլն դրամ (հավելված №1),
  - 2) գազափոխադրման համակարգի վերակառուցում. 2013-2015 թվականների ընթացքում՝ 9 799,3 մլն դրամ, որից 2013 թվականին՝ 1 423,2 մլն դրամ (հավելված №2),
  - 3) գազափոխադրման համակարգում այլ ուղղություններով իրականացվելիք ներդրումներ. 2013-2015 թվականների ընթացքում՝ 1 255,4 մլն դրամ, որից 2013 թվականին՝ 395,4 մլն դրամ (հավելված №3),
  - 4) նոր բաժանորդների միացում. 2013-2015 թվականների ընթացքում՝ 716,0 մլն դրամ, որից 2013 թվականին՝ 315,0 մլն դրամ (հավելված №4),

- 5) գազաբաշխման համակարգի վերակառուցում. 2013-2015 թվականների ընթացքում՝ 5 279,3 մլն դրամ, որից 2013 թվականին՝ 1 795,9 մլն դրամ (հավելված N°5),
  - 6) գազաբաշխման համակարգում այլ ուղղություններով իրականացվելիք ներդրումներ. 2013-2015 թվականների ընթացքում՝ 4 278,8 մլն դրամ, որից 2013 թվականին՝ 2 427,4 մլն դրամ (հավելված N°6):
2. «ՀայՌուսգազարդ» փակ բաժնետիրական ընկերությանը՝ մինչև 2013 թվականի հոկտեմբերի 15-ը Հայաստանի Հանրապետության հանրային ծառայությունները կարգավորող հանձնաժողովի համաձայնեցմանը ներկայացնել «ՀայՌուսգազարդ» փակ բաժնետիրական ընկերության 2014-2016 թվականների ներդրումային ծրագիրը:
3. Ուժը կորցրած ճանաչել Հայաստանի Հանրապետության հանրային ծառայությունները կարգավորող հանձնաժողովի.
- 1) 2011 թվականի դեկտեմբերի 21-ի «ՀայՌուսգազարդ» փակ բաժնետիրական ընկերության 2012-2014 թվականների ներդրումային ծրագրին համաձայնություն տալու մասին» N°595Ա որոշումը,
  - 2) 2012 թվականի նոյեմբերի 7-ի «Հայաստանի Հանրապետության հանրային ծառայությունները կարգավորող հանձնաժողովի 2011 թվականի դեկտեմբերի 21-ի N°595Ա որոշման մեջ փոփոխություններ կատարելու մասին» N°430Ա որոշումը:
4. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ՍԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

  
**Ռ.ՆԱԶԱՐԳՅԱՆ**